

Belanja RM1 bilion beli buku

KHAMIS - 20 JUN
UTUSAN

KUALA LUMPUR 25 Jun - Berdasarkan kajian Dewan Industri Buku Melayu Malaysia pada tahun lalu, rakyat negara ini membelanjakan kira-kira RM1 bilion setahun untuk membeli buku.

Menteri Perpaduan, Kebudayaan, Kesenian dan Warisan, Datuk Seri Mohd. Shafie Apdal berkata, secara puratanya setiap keluarga di negara ini membelanjakan RM50 setahun untuk membeli buku.

"Walaupun jumlahnya agak kecil namun amalan pembelian buku dilihat semakin meningkat di negara ini sejak 2005.

"Justeru, buku yang bermutu tinggi perlu diperbanyakkan dan pasaran buku dengan harga berpatutan perlu diwujudkan untuk menggalakkan lebih banyak keluarga memperuntukkan pendapatan bulanan membeli buku.

"Selain kerajaan, pihak swasta juga perlu berusaha menggalakkan budaya membaca," katanya ketika menjawab soalan tambahan Nancy Shukri (BN-Batang Sadong) di sini hari ini.